

欽定大清會典圖

欽定大清會典圖卷一百八十四


輿地四十六


福建省全圖

福州府圖

泉州府圖

福建省全圖






福建省在


京師東南閩浙總督福建布政司共治焉。統府九州。二福州府西南興化府永春州泉州府漳州府龍巖州汀州府東北福甯府西北延平府建甯府邵武府海在省東及南東北接浙江温州府界西南接廣東潮州府界閩江二源東曰東溪西曰西溪東溪東源曰松溪自浙江處州府西南流入界經建甯府南西源曰崇溪出府西北來會。是為東溪。又經延平府東會西溪溪上承江西廣信府北溪及建昌府大溪水合東南

經邵武府為富屯溪。合金溪太史溪為西溪。又東與東溪會。又東南合尤溪。經福州府西南為建江。合大樟溪入於海。木蘭溪出永春州西。東流經興化府南而東入於海。晉江出龍巖州東。屈東流經永春州西。泉州府南而東入於海。九龍江出龍巖州二源。合南流經漳州府東南。與府南大溪小溪並入於海。鄞江出汀州府北。屈東南流合連水入廣東潮州府界。黃崎河上流為交溪。合託溪后溪南流入於海。貢水出汀州府西。西流入江西甯都州界。東及南至海。西至

江西界。北至浙江界。西南至廣東界。

福州府圖





福州府為福建省治。至

京師四千八百四十五里。領縣十。治閩縣侯官。東
南長樂福清。西南永福。西北閩清古田屏南。
東北連江羅源。海在府東南。北接福甯府甯德
縣界。迤南為羅源縣東境。又南迤西為連江縣
東境。又為閩縣東境。又為長樂縣東境。又西南
為福清縣東南境。又西南接興化府莆田縣界。
閩江上游曰劍江。自延平府南平縣東北流入
界。經古田縣西南為建江。折東南至谷口。左納
赤凌溪。右納一小水。折東北至水口。受東溪溪。

出縣東北黃居嶺合天平山水西南流甘棠溪
自屏南縣濠下南流來注之又西南左納石馬
山水經翠屏山南富洋溪自屏南縣西東峯山
合牛溪坪溪平湖溪來會又南為東溪至縣南
西溪出縣西北白濠嶺東南流注之折南合石
步阮水又南注建江建江又東南經閩清縣西
北右納大雄溪又東南經府治西北陳溪自閩
清縣東北緒姆山合二小水西南流來注之復
經閩清縣東受梅溪溪上游為瞿曇溪自縣南
合土坡寨倚崙山水北流右納白巖山水折西

北左納峰洋溪及一小水折東北演水溪出縣
西寶峰山合二小水東流注之始為梅溪經治
北而東又東南注建江建江又東南經府治西
北右納龜溪左納大穆溪至白沙驛西南黃石
溪自陳塘溪分支西南流合一小水注之又東
南陳塘溪出西山合昭溪青阮水東濛溪南流
經傅老峰西右出支渠為黃石溪又南流注之
又東南經府西懷安洲歧為二北派東流合五
峰山水經洪山橋曰洪山江經府治南又東經
閩縣東曰南臺江又東南經鼓山南曰馬頭江


至羅星塔會南派南派自懷安洲南流合樓梯
嶺水又受大樟溪溪上游為湓溪自永春州德
化縣東流入界經永福縣西南湓溪合大格頭
水北流注之為湓口溪東洋村水合上下湓水
東南流注之又東游洋溪自興化府仙游縣北
來折西北合半月湖水注之又東北左納龜洋
溪湓溪經縣治南游洋溪支津亦自其縣北來
合杉溪山水北流注之又東左納梧嶺水右納
十八溪水始為大樟溪又東北經侯官縣西南
注閩江南派閩江南派又東右納澤苗港水為

澤苗江又東經閩縣南為淘江至螺洲東義溪
合榕溪苦竹溪東北流注之為烏龍江亦曰西
峽江又東北與北派會又東北太平港水自其
南環營前司分流注之至洋嶼左右各納一小
水又東至琅崎島亦曰琅崎江歧為二並東流
入於海連江一曰鰲江上源曰蘇洋溪出古田
縣東細湖頂合白溪卓洋水東南流經羅源縣
西合霍口溪又東南埭溪一曰章溪自古田縣
東老人山屈西南流來注之又東南左納古滌
水經連江縣西北是為連江密溪即宦溪自侯

官縣北蓮花山合長箕嶺雪溪諸水屈東北流注之又東南經縣治西折東北鳳板溪長潭溪合南流注之又東南至羅崙渡亦曰寶溪經縣治南復折東北合財溪經東岱司北為岱江入於海起步溪出羅源縣西北展旗山東南流會九龍溪又南合羅川又東南入於海龍首河出福清縣西百丈嶺東流合龍潭山水無患溪澗溪過縣治南合東皐山水又東南至龍江浦入於海梅花港一曰陳塘港出長樂縣東金峰山澮為湖東北流入於海漁溪出福清縣西黃蘗

山東南流右納興化府莆田縣之蘇溪。又東南為逕江入於海。雙溪二源。一出屏南縣東南水竹洋。一出縣西北天台頂山。合南流為龜溪。又合白溪折東南入福甯府甯德縣界。龍漈溪黛溪並在屏南縣南。亦入甯德縣界。鼓山在閩縣東。府東及東南界海。西界延平府。南界興化府。北及東北界福甯府。西南界永春州。西北界建甯府。

泉州府圖



[illegible]

泉州府在省治西南四百十里至

京師五千二百五十五里。領縣五。治晉江。東北惠安。西北南安。安溪。西南同安。海在府東南。北接興化府仙遊縣界。迤南為惠安縣東境。又南為晉江縣東南境。又西南為同安縣南境。又西南接漳州府海澄縣界。晉江二源。一曰桃溪。一曰藍溪。桃溪自永春州東南流入界。經南安縣西北至便口。右納其州之小姑溪。又東南歧為二。並南流。右納高田山水。復合。西南至雙溪口。會藍溪。藍溪一曰清溪。亦二源。西北源為古格嶺。

水自龍巖州漳平縣東南流入界。經安西縣西北至桃州隘。右納梯子嶺水。又東北錯入永春州界。復經安溪縣西北。東南流。熊田溪自永春州南流來注之。又東南經縣治西。曰吳埔溪。會西源。西源出安溪縣西南北岸山。合白葉山。留山。益溪諸水。東北流。折南。右納龍門嶺水。又東曰澳江。與西北源合。過縣治南。又東曰藍溪。又東曰羅渡溪。又東經南安縣西。珠淵汛南。左納洞后埔水。又東經湖塘汛北。支津南出。復歧為二。一東流為瓷竈溪。注蚶江。一南流合柏峯山。

水為安海港至晉江縣西南合靈源山沿山塘
水經潯美場西入於海其正渠又東至雙溪口
與桃溪會東南流經金雞山北曰金溪又東至
府治南曰晉江又東曰溜石江又東經法石汛
南又東南為蚶江入於海洛陽港水出惠安縣
西北三髻山合嶺東水南流為洛陽港經府治
東南長溪合諸小水南流注之馬山埭水亦注
之自晉江口入於海峯琦港在惠安縣東匯馬
埭龍津南阮驛坂茭溪諸水東入於海添琦港
並在惠安縣東北入於海大溪內水出惠安縣

西北石二嶺北流入興化府仙遊縣界東溪出同安縣東北大羅山西南流右合曾溪及一小水又經縣治東而南會西溪西溪出安溪縣西南龍門嶺東南流經同安縣西北合赤嶺水至縣治西合蓮花山水又東南與東溪會南流右合一小水至白嶼入於海苾溪出同安縣西南深青溪出縣西南夕陽山並東南流入於海蓮溪出縣東南合鵲山水南流入於海清源山在府治北府東至南界海西及西南界漳州府北及東北界興化府西北界永春州

欽定大清會典圖卷一百八十五

輿地四十七


建甯府圖

延平府圖

汀州府圖

建甯府圖

[illegible]




建甯府在省治西北四百九十里至


京師三千四百五十五里。領縣七。治建安甌甯東
北政和松溪浦城。西北建陽崇安。建溪二源。一
曰東溪。一曰西溪。東溪自浙江處州府慶元縣
西南流入界。經松溪縣東北曰松溪。西南流經
舊縣南七峯山北。清泉溪合。直源溪南流注之。
又西南經縣治南。右納西溪水。折南流經政和
縣西。又東南七星溪合。石龜溪。胡屯溪。茶溪。西
流注之。又西南經建安縣東北。右納東游溪。又
屈曲西流。可杭水合。東長溪。西北流注之。又西

南左右各納一小水至府治南會西溪西溪上游曰崇溪出崇安縣東北石白里西南流至林溪渡合分水嶺水又南流至赤石渡合漿溪又南左納梅溪右納九曲溪又曲折東南經建陽縣北曰建溪左納芹溪錦溪經縣東折西南至縣治南西溪化龍溪茗口溪龍門溪馬伏溪諸水合東流來會曰交溪又東南右納徐屯溪又東南經府治甌甯縣西北柘溪上流為南浦溪出浦城縣東北柘嶺合漁梁溪獅山水新溪郊陽水駐嶺水屈西南來會又東南左納宜均溪

又東南與東溪會。是為建溪。屈南流。經太平驛。東。左納屏風山水。秦溪水。又西南。百丈溪出。甌甯縣石山。合登仙里水。東南流。注之。又南。右合房村溪。入延平府南平縣界。武夷山在崇安縣西南。府東及東南界福甯府。西至南界延平府。北及西北界江西廣信府。東北界浙江處州府。衢州府。

延平府圖





延平府在省治西北三百六十里。至

京師四千四百七十五里。領縣六。治南平。南尤溪。西南沙縣。永安。西北順昌。將樂。大溪。自邵武府邵武縣東南流入界。經順昌縣西北富屯驛為富屯溪。至口前。順溪自建甯府甌甯縣來西南流注之。經縣治西南會金溪。溪上承邵武府泰甯縣布溪。東南來。經將樂縣西合常口水竹洲都水。又東南逕黃潭圖。屈東南至蛟湖池。湖溪自汀州府歸化縣東北來合南勝都水注之。又東右納三溪都水。折東北經縣治東。龍池溪出。


縣西北張原嶺東南流合沙溪注之。又東安福溪出縣東北七臺山合婁杉村水南流注之。又東北合富谷都高灘都水。經順昌縣西折東南與富屯溪會。富屯溪又東右納帽子山水。經縣治南。又東經府治西北。是為劍溪。亦曰西溪。左納鷓鴣溪。折南逕王臺鋪。東至雙溪口。會沙溪。溪上游為清溪。自汀州府清流縣東流入界。經永安縣西北。合其縣之羅峯溪。東南流為燕水。溪左納將樂坑水。右納香櫟嶺水。大橫坑水。迤東北左納溪源水。復折東南。為吉溪。上承汀州府


連城縣曲溪東北來合其縣之瀨溪屈東北合
均嶺礫溪熱水注之。又東經縣治西北南溪出
縣南馬山合浮流溪水林田水桂溪西北流注
之。折東北左納益溪右納大梅溪大坂水。又東
北胡防水大吉溪並自汀州府歸化縣來東南
流注之。又東北右納青溪。又經沙縣西南為太
史溪。至荆村鋪黃田嶺水自永安縣東南合焉。
阮豐田洋西溪普賢山棗嶺諸水東北流為西
霞坂水折西北來注之。折北至尾厯鋪明溪自
汀州府歸化縣來東流注之。又東北右納蔣阮

水經縣治南又東北東溪出縣西北天柱山合
枯藤嶺水茂溪幼溪南流注之始為沙溪又東
北經馬鋪北至府治西南與西溪會西溪又東
大芹溪上承白塔水長沙阮水北流注之經府
治南又東北會東溪溪上承建甯府建安縣之
建溪水屈西南注之又東南左納吉溪岳溪水
右納金鋼嶺水至尤溪口會尤溪溪上流為湖
頭溪自永春州大田縣東北流入界經尤溪縣
西南高才司西滌頭溪自永春州德化縣來合
汶水西北流注之又北左納新橋溪右納莒洋

水寶溪。至縣治南。青印溪出縣西北羅巖峯。合
麻溪。小溪水東南流注之。是為尤溪。又東北左
納雙髻山水。至下洋。華南溪出縣東南白巖山。
合王阮諸水。東北流注之。又東北左納源湖水。
塔兜水。右納資壽溪。納金鷄巖南。又東北至尤
溪口。與西溪會。西溪又東北經滄峽驛。左納武
步水。又東北至三都口。入福州府古田縣界。瓜
溪出將樂縣西北。入邵武府泰甯縣界。府東及
東南界福州府。西及西北界邵武府。南界永春
州。北及東北界建甯府。西南界汀州府龍巖州。

汀州府圖





汀州府在省治西南九百七十五里至

京師五千一百二十六里領縣八治長汀東連城
東南上杭永定西南武平東北甯化清流歸化
鄞江一名正溪出甯化縣西南亂蘿山西南流
經長汀縣東北合將軍山天井山及二小水經
龍門峽左納梓步溪小湘溪折西北右納天華
山水又西南右納篁竹嶺水經府治南右納溜
嶸山水又南左納陳坊水策田水鍾家阮水又
南黃風溪合榭坊水及八仙巖諸山水西流注
之屈西南受濯田溪溪出府治西朱紫嶸東流

為城溪。折南合陂溪。又南。桃楊隘水合。墨石。水東流。注之。又南。臘溪合。赤土面上歸洋二水。東北流。注之。折東。左右各納一小水。又東南注。鄞江。鄞江又西南。左納洋角溪。西南流。小瀾溪。出武平縣北。合石子嶺大順溪。諸水東流。注之。折東南。經上杭縣西北。左納金山溪。右納九華溪。檀溪水。又東南。經縣治東北。會連水。水出連城縣南。郎村隘。西南流。曰豐頭溪。岡上水合。席湖。隔水自其北來。會。又西南。牛尾嶺南水自長汀縣合。吳家墩水為朋口溪。東南流。注之。又西。

南。莒溪出縣東南高地山。西流合隔口溪。里岡溪西北流注之。又西南。芒園溪出縣南赤嶺。合芷溪注之。又西南。右納新泉溪。又經上杭縣東北。右納長汀縣之機頭市水。又西南。左納九曲溪。苦竹溪水。又西南。與鄞江會。鄞江又東南。經縣治東南。瀨溪上承武平縣之象洞水。東北流注之。又東南。安鄉水合蜈蚣嶺水。西南流注之。又南。大洋壩水出縣東北分水嶺。合永定縣之豐稔溪諸水。西南流注之。又東南。受永定溪。溪自龍巖州來。合文溪。西南流。武溪合東阮。東安

龍窟諸水西北流注之。又西南右納涼繖寨水。左納五指峯水。西南流注鄞江。鄞江又東南入廣東潮州府大埔縣界。武平溪二源。東北源出武平縣東北曰大豐溪。西南流左會當風嶺水。經縣治東。合漁溪下黃溪。為化龍溪。又西南右納黃沙溪。西北源自江西贛州府會昌縣東南來。合石徑嶺水。溪頭水來會。是為武平溪。西南流巖前水。出縣東南。自蛟潭合公壠湖及石灰州水西北流注之。又西南入廣東嘉應州鎮平縣界。金豐溪出永定縣東南巖背山。西南流。右

會歧嶺水。又南合南溪。新村水亦入大埔縣界。清溪上游為大溪。出甯化縣北三都隘。合曾畲水。彭高水。罕阮水。苦竹嶺水。南流至縣治東南。西溪出縣西南狐棲嶺。東南流匯為蛟湖。折北合陳家坑。覺溪水來會。是為大溪。右納官家坊水。經清流縣西北。始為清溪。左納二小水。右納安樂水。經縣治北而南。嵩溪合數水。南流注之。至羅口。會文川溪。溪出連城縣西南五滌嶺。東北流合金鷄嶺水。張坊水。亭坊水。楮嶺水。磔頭水。又西北至北團。東南虎忙嶺水。自長汀縣東。

合數小水及牛尾嶺水曲東北流注之復東北
經清流縣治南羅溪自甯化縣東流合李坊溪
注之又東北右納官坊溪注清溪清溪又東入
延平府永安縣界為燕水溪明溪一曰沙洋溪
出歸化縣西五通城東北流過縣北又東合隘
門瀚溪諸水為沙溪南北合三小水又東合夏
陽溪折東南合紫雲台水入延平府沙縣界大
吉溪在歸化縣東南胡坊溪合福西洋水在歸
化縣南並入延平府永安縣界夢溪合片溪在
清流縣東亦南入永安縣界曲溪出連城縣東

南合楮嶺諸水東北流入永安縣界。賴源水合三
東水亦東北出界注之。大東溪在連城縣東南入
龍巖州界。甯溪出甯化縣西北窰嶺。合二水東北
入邵武府建甯縣界。貢水在府治西北。合二水經
古城司南。西北流入江西甯都州瑞金縣界。張阮
水在武平縣西北入贛州府會昌縣界。馬戰嶺水
亦在縣西南入贛州府長甯縣界。府東界延平
府。西及西北界江西甯都州。南界廣東嘉應州。
北界江西建昌府。東北界邵武府。東南界龍巖
州。漳州府。廣東潮州府。西南界江西贛州府。

欽定大清會典圖卷一百八十六


輿地四十八


興化府圖

邵武府圖

漳州府圖

興化府圖






興化府在省治南二百六十里至


京師五千一百五里。領縣二。治莆田。西南仙遊。海
在府東南。北接福州府福清縣界。迤南為莆
田縣東境。又南為仙遊縣東南境。又南接泉
州府惠安縣界。仙溪一曰南溪。自永春州德化
縣東南流入界。經仙遊縣西。九雲山南至西臺
西曰大目溪。又東南至上湖。右會永春州之古
瀨溪。又東。金沙溪自泉州府南安縣東北來。合
石寨嶺六竺山水注之。又東。大濟溪亦至縣北
來。會曰三會溪。又東。右納神堂溪。經縣治南。又

東○大溪內水一曰南溪自泉州府惠安縣來北
流注之○安吉溪合赤石溪南流注之○又東經府
治西南曰木蘭溪○左納九鯉湖支水○又東北經
府治南木蘭山分流○左納二小水○折東南至三
江口為白湖港入於海○九鯉湖自仙遊縣東北
匯銀頂峯水東南流○經莆田縣西南○支津南出
注木蘭溪○正渠又東經九華山南○曰延壽溪○又
東北折南達涵頭港入於海○荻蘆溪出莆田縣
東北廣業里○合張洋水南流○赤溪一曰杉溪○出
縣西北祁山○南流合澳溪○御史嶺水○折東合楓

溪來注之。又東南為迎仙溪。達迎仙港。入於海。
楓亭溪出仙遊縣東南。合石鏡山水。東流。匯為
赤湖。又東。合沙溪。為雙溪。港入於海。游洋溪出
仙遊縣北上院山。東流。歧為二。夾潼關而北。入
福州府永福縣界。注大樟溪。壺公山在府治南。
府東至南界海。西及西北界永春州。北及東北
界福州府。西南界泉州府。

邵武府圖





邵武府在省治西北六百七十里至


京師四千九百五十七里領縣四治邵武西南建甯泰甯西北光澤大溪上游為西溪自江西建昌府新城縣東北流入界經光澤縣西大寺寨司西南左納小禾山水朱溪水至水口右納陳溪折北又納大嶺水經縣治北會北溪北溪亦自江西廣信府鉛山縣西南來經光澤縣東北雲滌關南又西南合馬鈴隘黃阮口諸水至縣東北漢溪上承江西貴谿縣之冷水阮水南流注之折南右納峰塆水與西溪會是為交溪

亦名杭川東南流經府治西北始為大溪合田
塢西溪諸小水經治北又東南碎石嶺水自縣
西合古山水雙溪東北流注之又東南右納銅
青溪左納深溪石壁溪經赤岸又東折南右納
密溪至下灑口屈南流左納衛閩溪右納謝坊
溪桃溪又東南經水口司北入延平府順昌縣
界雖江上游曰甯溪自汀州府甯化縣東北流
入界經建甯縣南雲蓋山水合白雲峰水東南
流注之又北金饒山水合黃嶺水西北流注之
經縣治東又北左納朝天嶺水是為灘江又東

北右納李家山水馮家深溪折東經泰甯縣西
合一水至雙溪口會東溪東溪亦曰大溪上游
曰官坊溪出邵武縣南合延平府將樂縣之瓜
溪即黃溪及數小水西南流經縣治東南折西
與濰江會濰江折南右納善溪龍安溪水又東
南為布溪入將樂縣界黃土嶺水出建甯縣東
南入汀州府歸化縣界注楓溪大禾山水出光
澤縣西北大禾山西北流入江西建昌府瀘溪
縣界府東及東北界建甯府西及西北界江西
建昌府南及東南界延平府西南界汀州府

漳州府圖

[illegible]



漳州府在省治西南六百八十里至

京師五千五百二十五里領廳一縣七治龍溪南漳浦東南海澄西南雲霄廳平和詔安東北長泰西北南靖海在府東南北接泉州府同安縣界迤南為海澄縣東南境又西南為漳浦縣東南境又西南為雲霄廳東南境又南為詔安縣南境又南接廣東潮州府饒平縣界九龍江一曰柳營江自龍巖州漳平縣東南流入界經龍溪縣西北華封司西左納石凡山水又東南受高層溪水折西南三腳窰水亦自其縣東南流

來注之。又東南至香洲渡。會龍津溪。溪出長泰縣北林口隘。曰林口溪。東南流。合片果溪。白桐山水。又南支津西北出。為高層溪。正渠屈南流。合馬洋溪。可壩溪。折西流。經縣治南。曰龍津溪。又西至府治東香洲渡。與九龍江會。九龍江又南折東。為郭溪。又東為柳營江。又南會南門溪。溪。一曰龍江。一曰港口。江上流為大溪。即西溪。出平和縣東北雙髻孃山。東北流。經南靖縣西南。曰高港。折西北。經長窖墟西。又東北。博平嶺水自龍巖州南流。來注之。又東南為鯉魚溪。為

船場溪瑄溪上承平和縣之高山溪小坪山水
南勝溪及高磔水東北流注之又東北經旗尾
渡小溪自龍巖州來合涵溪苦竹水東南流來
會又東經縣治南至府治西又東南流為南門
溪又東南與九龍江會為福河又為錦江分流
經海澄縣東入於海南溪舊曰馬口江出平和
縣東東流經南靖縣南又東經漳浦縣北為巖
前溪右納小溪嶺水又經海澄縣西南倒港歧
為二並東北流達浮宮港入於海李澳川舊曰
南溪出平和縣東南九牙山東流經漳浦縣西

石榴阪折東南右納溫源溪又東北長林溪合
擲石徑水東南流注之經縣治南又東南左納
上蔡溪水尾巖溪右納茭津口溪達六鰲港入
於海黃如江象運溪並出漳浦縣東北合東流
入於海西林溪出平和縣東南大峯山曰河上
溪東南流經雲霄廳北左納嶺腳水又南龍頭
水自平和縣東流合上河水注之又東南經廳
治北將軍山水合后坑水東北流注之又東南
右納御史嶺水又東南杜浚港自漳浦縣南流
來會曰漳江又東南入於海陳溪出平和縣東

南大峰山西麓曰徐阡溪合天馬山水南流左
納下陂溪經詔安縣北左納馬堂水又西南白
葉洞水出縣西北霞葛嶺東南流注之折東南
左納八仙山水右納赤溪經縣治東歧為二並
南流右納窰溪復合為牛母礁入於海大陂溪
相見嶺水並出詔安縣東北合南流入於海河
頭溪亦出大峰山西麓西北流經縣東合溪出
琯寮山自其北來會又西經縣治南又西北大
蘆溪小蘆溪合五鳳山水西南流注之又西南
入廣東潮州府大埔縣界天寶山在府治西北

府東至北界泉州府西及西南界廣東潮州府
南及東南界海西北界龍巖州汀州府